

Hong Leong Akaun Semasa Matawang Asing-i Terma & Syarat

Terma dan syarat ini hendaklah dibaca bersama-sama secara keseluruhan dengan Terma dan Syarat Am bagi Deposit dan Deposit Perbankan Islam. Terma-terma dan Syarat-Syarat bagi Hong Leong Akaun Semasa-i dan Akaun Simpanan-i (Tawarruq CASA-i) dan mana-mana terma dan syarat lain yang berkaitan seperti yang mungkin dikenakan oleh Hong Leong Islamic Bank Berhad ("HLISB") dari semasa ke semasa dengan memberi makluman awal dua puluh satu (21) hari kalendar terlebih dahulu, dan juga undang-undang dan peraturan lain yang mengikat HLISB.

1. Definisi & Interpretasi

- 1.1 Terma dan ekspresi di bawah akan mempunyai makna-makna tertentu yang diperuntukkan kepadanya melainkan konteks memerlukan sebaliknya:
- (a) "Akaun" bermaksud mana-mana akaun atau akaun-akaun di bawah Akaun Semasa Matawang Asing-i dalam apa jua matawang asing yang diterima untuk dibuka oleh HLISB atau akan dibuka oleh Pelanggan dengan Bank dari semasa ke semasa; dan
 - (b) "Ringgit Malaysia" atau "RM" bermaksud matawang yang sah digunakan di Malaysia.
 - (c) "Pelanggan" bermaksud pelanggan HLISB termasuk perkongsian, perniagaan tunggal, syarikat, persatuan, pertubuhan, organisasi dan badan berkanun serta di mana berkenaan wakil peribadi dan pengganti dalam hak milik melainkan dinyatakan sebaliknya.

2. Prinsip Syariah

- 2.1 Hong Leong Akaun Semasa Matawang Asing-i ("Akaun Semasa Matawang Asing-i") ialah akaun semasa Islamik yang berasaskan prinsip tawarruq. Tawarruq ialah satu prinsip syariah yang merujuk kepada beberapa urusan niaga jual beli dalam satu masa tertentu.

Di bawah produk ini, pelanggan akan membeli Komoditi pada Harga Belian daripada pembekal dan kemudian:

- menjual Komoditi kepada HLISB pada Harga Jualan berasaskan prinsip Murabahah[^] (yang terdiri dari Harga Belian dan Harga Jualan)
- menjual Komoditi kepada HLISB pada Harga Jualan berasaskan prinsip Musawammah^{^^}

[^] Penjualan dan pembelian sesuatu aset di mana kos pembelian dan keuntungan didedahkan kepada pembeli.

^{^^} Musawamah adalah kontrak jualan tanpa pendedahan kos aset dan margin keuntungan kepada pembeli.

Sebagai tambahan kepada tawarruq, Akaun Semasa Matawang Asing-i juga menggunakan prinsip Syariah lain yang diluluskan oleh Bank Negara Malaysia ("BNM").

3. Pembukaan Akaun

- 3.1 Akaun boleh dibuka dalam sebarang matawang asing (selain daripada Ringgit Malaysia) yang diterima oleh HLISB setelah mendapat semua dokumen dan rujukan yang diperlukan dan diterima oleh HLISB. Pelanggan bersetuju untuk menguatkuasakan sebarang dokumen dan juga melakukan sebarang tindakan yang diperlukan oleh HLISB pada masa sekarang atau masa hadapan berhubungan dengan Akaun dan sebarang servis berkaitan.

4. Operasi Akaun

- 4.1 Pelanggan akan mengendalikan Akaun tersebut dengan memberi arahan bertulis dan di mana perlu melalui borang dan instrumen yang ditetapkan oleh HLISB dari semasa ke semasa. Semua transaksi untuk deposit atau pengeluaran dari Akaun hanya dibenarkan dalam bentuk draf bank, pemindahan atau sebarang kaedah yang ditetapkan oleh HLISB. Peraturan-peraturan di bawah akan digunakan :-
- (a) tiada buku cek akan dikeluarkan bagi Akaun tersebut; dan
 - (b) tiada tunai atau wang kertas dalam apa jua matawang yang ditransaksikan bagi Akaun tersebut.
- 4.2 Keuntungan di bawah FCCA-i ialah 0% atau apa-apa kadar keuntungan yang akan ditentukan oleh pihak Bank dari semasa ke semasa dengan notis terlebih dahulu berdasarkan kadar keuntungan rata-rata tanpa mengira amoun.
- 4.3 Terlebih keluar (*overdrawn*) tidak dibenarkan kecuali sekiranya mendapat kebenaran daripada HLISB dan setiap amaun yang terlebih keluar perlu dibayar semula apabila diminta untuk berbuat demikian.
- 4.4 HLISB mempunyai hak, pada setiap masa, untuk mengeluarkan kembali jumlah yang telah tersalah kredit ke dalam Akaun atau sekiranya Pelanggan telah mengubah posisinya berdasarkan kepada tindakan kredit tersebut. Mana-mana amaun yang didebitkan hasil daripada tindakan mengeluarkan kembali jumlah tersebut perlu dianggap sebagai hutang oleh Pelanggan kepada HLISB dan wajib dibayar apabila diminta untuk berbuat demikian.

5. Deposit Ke Dalam Akaun

- 5.1 Untuk tujuan sebarang kutipan bagi pihak Pelanggan, HLISB berhak untuk menggunakan sebarang kaedah yang difikirkan wajar untuk mendapatkan hasil daripada kutipan tersebut.
- 5.2 Sekiranya dalam keadaan di mana pihak HLISB tidak mungkin dapat mengemukakan sebarang cek ataupun instrumen yang dikirimkan oleh Pelanggan dalam tempoh masa yang relevan, atau untuk menasihati pihak bank yang membuat penyerahan dalam tempoh masa tertentu tentang ketiadaan bayaran atau ketiadaan penerimaan, HLISB tidak bertanggungjawab ke atas Pelanggan dan Pelanggan dengan ini melepaskan sebarang hak untuk mengambil tindakan ke atas HLISB.
- 5.3 Deposit adalah dalam matawang Akaun yang berkenaan. Sekiranya dana yang diterima dalam Akaun berkenaan tidak dalam matawang yang diterima oleh kedua-dua belah pihak, maka HLISB berhak bagi tujuan ini untuk menukarkan dana tersebut ke dalam matawang yang telah dipersetujui bersama dengan nilai yang bersamaan pada kadar tukaran (*spot rate of exchange*) pada masa itu seperti yang ditentukan oleh HLISB.

6. Pengeluaran Daripada Akaun

- 6.1 HLISB pada bila-bila masa dan di atas budi bicara mutlakanya boleh menolak sebarang pengeluaran atau menghadkan jumlah yang boleh dikeluarkan.
- 6.2 Semua bayaran atau pemindahan yang dikuatkuasakan oleh HLISB akan didebitkan ke dalam Akaun pada tarikh yang ditentukan oleh HLISB.
- 6.3 Sekiranya jumlah amaun daripada pesanan ataupun arahan yang diberikan oleh Pelanggan melebihi baki kredit Akaun tersebut, HLISB berhak, pada budi bicara mutlakanya, untuk menentukan pesanan atau arahan mana yang akan dikuatkuasakan, sama ada keseluruhannya atau sebahagian, tanpa mengambil kira tarikh penghantaran atau penerimaan.
- 6.4 Bayaran atau pemindahan daripada Akaun tersebut adalah dalam matawang Akaun berkenaan atau pada pilihan HLISB, Ringgit Malaysia. Sekiranya HLISB membuat sebarang bayaran atau pemindahan daripada Akaun tersebut dalam matawang lain selain daripada matawang Akaun itu, HLISB adalah berhak, di atas budi bicara mutlakanya, untuk menukar matawang Akaun tersebut kepada matawang lain pada kadar tukaran yang ditentukan oleh HLISB.

7. Penutupan Akaun

- 7.1 Pada masa penutupan Akaun, sama ada oleh HLISB atau Pelanggan, HLISB atas budi bicaranya boleh menahan sejumlah amaun bersamaan dengan sebarang liabiliti yang belum dijelaskan oleh Pelanggan kepada HLISB.

8. Pematuhan Terhadap Undang-Undang, Peraturan dan Hukum Oleh Pelanggan

- 8.1 Pelanggan berjanji dengan HLISB bahawa Pelanggan akan sentiasa mematuhi pada setiap masa semua undang-undang, syarat, peraturan, arahan, garis panduan (sama ada mempunyai kuatkuasa undang-undang atau sebaliknya) termasuk semua syarat kelayakan dan peraturan yang ditetapkan oleh Bank Negara Malaysia atau mana-mana badan perundangan atau pihak berkuasa ataupun agensi (kerajaan atau sebaliknya), dalam perkara berkaitan dengan pembukaan dan operasi Akaun. Pelanggan berjanji akan serta-merta memaklumkan HLISB secara bertulis sekiranya berada dalam keadaan melanggar undang-undang, syarat, peraturan, arahan dan garis panduan.

9. Cukai dan Risiko

- 9.1 Pelanggan mengakui dan bersetuju bahawa terdapat risiko dalam urusan matawang asing termasuk tetapi tidak terhad kepada risiko akibat perubahan kadar tukaran, kenaikan dan penurunan nilai matawang, cukai, pemindahan secara paksa atau perubahan dalam polisi kerajaan atau sebarang sebab yang di luar kawalan HLISB. Pelanggan bersetuju bahawa HLISB berhak and diberikuasa untuk membuat sebarang pertukaran atau pertukaran semula matawang asing yang dikehendaki oleh undang-undang dan/atau mengikut Terma dan Syarat ini untuk sebarang bayaran, pemotongan, cukai tertahan atau sebarang cukai atau levi dan HLISB tidak akan dipertanggungjawabkan oleh Pelanggan atau mana-mana pihak lain untuk sebarang kerugian yang dialami atau ditanggung oleh Pelanggan atau pihak lain untuk sebarang pertukaran atau pertukaran semula.

10. Tolak Selesai

- 10.1 Tanpa menjejaskan dan sebagai tambahan kepada sebarang remedi untuk tolak selesai yang ada pada HLISB di bawah undang-undang mana-mana bidang kuasa berkaitan, HLISB boleh melaksanakan pada bila-bila masa dengan memberi notis terlebih dahulu

kepada Pelanggan sebarang hak untuk tolak selesai, penggabungan atau penyatuan antara apa-apa jumlah dalam mana-mana akaun yang dipegang oleh HLISB dan sebarang liabiliti ke atas HLISB atau apa-apa pelucutan hak, pengekalan atau cagaran ke atas sebarang jumlah yang dipegang oleh HLISB sejajar dengan dan tertakluk kepada undang-undang Malaysia tidak termasuk berikut:

- (a) jumlah yang dipegang oleh HLISB adalah dalam matawang asing yang berbeza daripada apa yang dihutang, terhutang atau ditanggung oleh HLISB; atau
- (b) jumlah yang dipegang oleh HLISB belum sampai tarikh matang dan belum dibayar kepada Pelanggan; atau
- (c) jumlah dihutang, terhutang atau ditanggung oleh HLISB pada masa ini perlu dibayar; atau
- (d) jumlah yang dipegang oleh HLISB berada dalam bidang kuasa atau cawangan HLISB yang lain daripada jumlah dihutang atau terhutang atau ditanggung oleh HLISB.

10.2 Sekiranya sebarang jumlah yang dipegang oleh HLISB adalah dalam matawang yang berbeza daripada yang dihutang, terhutang atau ditanggung oleh HLISB, maka HLISB berhak dan diberikuasa untuk menukarkan matawang tersebut kepada matawang yang diterima oleh HLISB dengan kosnya ditanggung oleh Pelanggan.

11. Notis

11.1 Tertakluk kepada kepatuhan Syariah, HLISB mempunyai hak pada bila-bila masa dengan memberi **Dua Puluh Satu (21) hari kalendar** makluman awal terlebih dahulu untuk menambah, menggugurkan, menggantung atau mengubah terma & syarat yang terkandung di sini, sama ada keseluruhan atau sebahagian menurut budi bicaranya yang mutlak dengan menyiarkannya dalam laman web HLISB, atau dengan apa-apa cara yang dianggap sesuai oleh HLISB. Pemegang Akaun bersetuju untuk mengakses laman web dari semasa ke semasa untuk menyemak terma & syarat dan memastikan supaya sentiasa mengikuti apa-apa perubahan atau pindaan kepada terma & syarat.

12. Perwakilan dan Waranti

12.1 Pelanggan dengan ini mengesahkan bahawa semua perwakilan dan waranti yang diberikan kepada HLISB di dalam permohonan adalah benar dan betul dan akan kekal benar dan betul selagi Akaun tersebut masih kekal dengan HLISB. Pelanggan berjanji akan segera memaklumkan HLISB sekiranya terdapat sebarang perubahan ke atas maklumat yang telah diberikan kepada HLISB.

Layak dilindungi oleh PIDM.